

歐北集

第十一
玉册

甌北集卷九

起辛巳四月
至癸未春

陽湖 趙翼 耘菘

臚傳紀

恩四首

玉殿臚聲肅早朝雲端仙樂奏虞韶班依雉尾開宮扇

時先龍舟奪錦標

向例臚傳在五月今
改四月二十五日

四海人才文一等十年

場屋蠟三條生平望此如天上何幸今真到絳霄

三唱依然伏地堅

令甲唱名至三聲猶伏地
不起鴻臚官掖之出班

緣知仕宦戒爭先

無才名敢羞王後有客書能炫趙前

東坡詩羅趙
前頭且炫書

蓬島雲霞

曾到頂洞霄班位總稱仙已慚鼎足猶非分敢望巍科

第一傳

走馬長安已老蒼多慚人說探花郎來從金水橋中道
出有天街繡兩行恩重始知無可報才微自問有何
長宮花插帽生輝處也北山妻瘦面光

却憶燈窗弄墨丸先公珍作掌珠看弱齡時已期今日
舉世人皆艷此官一第倖成偏已晚九原雖笑對誰歡
只餘簫鼓喧迎處略慰慈闈兩髻殘

寫真詞

寫照全將面目移那堪風格尙招疑木蘭莫道誰能辨
怕有人還著眼窺

變相觀音換本來金光影裏又相猜不參皮相參神相
妬女生平也有才

贈寫照沈錦

世人論畫重山水花草翎毛仙佛鬼畫人亦只畫古人

寫照雖工固所鄙豈知繪事此最難未可憑虛信手擬

伏朋授經圖摩詰子敬書裙摹老米

王維有伏勝授經圖米芾有王子敬書練裙圖

但

取神采不取形苟得其意一掃耳試起昔人相比對未
必風貌果如此寫照乃以人爲的毫釐差輒謬千里刻
劃模成印板中玲瓏影取帷燈裏穠纖相稱配瘦肥毛
髮欲動肖悲喜事兼束縛與馳驟依樣葫蘆豈薄技譬
如拈題作時文一縷脈縈微妙旨多少詩古文辭家掉
頭弗屑挂牙齒一朝執筆就繩墨要駕跡弛不成理乃
知傳神阿堵中慘澹匠心幾生死會稽沈生秘獨擅布

衣徒步長安市我來請作壽母圖

時爲家母寫照

意思安閒拂素

紙詎須九朽始一罷填刻圖成未移晷懸之粉壁羣聚
觀三尺小鬟亦曰似信哉茲技有別長弓人之弓矢人
矢古來絕藝當通都早晚遭逢名鵲起會看待詔金馬
門縑素揮成進綈几

時將供事方畧館

恭和

御製葉爾羌鼓鑄乾隆錢呈樣元韻

採玉河西歲武功新成錢幣似泉通貢輸寧用千緡重
文字依然九府同入貫政如綱挈網周輪恰比外環中
從知絕域歸陶鑄誰復金夫不有躬

送倬其南還時方成進士以需次歸里

秋堂餞別菊花杯柔艣輕帆潞水開需次歸終勝下第

成名日況及循陔經高干佛爭傳誦

君闡墨爲時所推

山到三神

輒引廻一事早輸君領取漁莊蟹舍且沿洞

春明浪跡兩狂生幾度聯牀聽雨聲貰酒每爲無事飲
稱詩相戒不平鳴一驢出入更番用牛著輸贏抵死爭
今日臨岐能不思何時重與話寒更

汪用明以紅袖添香伴著書小照索題卽送之任
居然砥室擁紅妝此老將無太作狂堪笑長安彈鋏日
十年閒却老糟糠

劈窠大字彷彿平原曾著書名到禁垣從此更應工楷法

綺牕驗取折釵痕

君以書各長安

一官到手未妨奢莫笑徒從畫裏誇留後西川亦常事
安知措大不豪華

辛苦京塵客味嘗喜看書繡乍還鄉忍寒半臂他年事
先賦瘦妻面復光

翰林院有土地祠相傳祀韓昌黎詩以解嘲

瀛洲署中坎社鼓社公傳是韓吏部建置本末無可徵
肇祀不知義何取從來名賢歿爲神各視生平所建豎
或班侍郎居碧落或冊真人位紫府或選閭羅分殿十
或封遶須列爵五鬼官司命周顓除太陽都錄魏徵補
白傳已列蓬萊仙曼卿更拜芙蓉主况公日星河嶽氣
立朝大節炳千古絕脈能開道學先餘事亦號文章祖

抗疏幾碎佛氏骨從祀不慚宣聖廡豈宜罰作土地神
坐使淮陰噲等伍屈宋詎稱衙官職樂卻翻充皂隸戶
生前磨蝎坐命宮曾謫嶺南鮫鰐浦庸知身後尙蹭蹬
無端又遣左遷侮鄉先生可祭於社此地初非公故土
卽云立社爲樂公公未久修史館簿區區冷官一齷肉
寧足爲公增華廡我來展謁聊解嘲且勿牢騷碩人俟
幸未改塑浮屠像

潮州有公像作浮屠形巡撫郭青螺易以木主見湧幢小品

儒服依然端章

甫香火祠雖處末僚翰墨緣仍近藝圃猶勝杜陵老拾
遺變作十姨呼阿姥

杜拾遺廟訛爲杜十姨望女像見藝花洲開錄

題申橙林桃葉渡江圖

一水盈盈問渡時
邗溝春色好胭脂
多情却笑樊川老

翻到吳興設水嬉

姬維揚人

難得傾城一笑留鸛鵲典盡儘風流從知煖老憑燕玉

不用臨風憶敝裘

君自題謂賣裘買妾

瓜步春潮綠半篙綺牕深護撥檀槽江神亦解人憐惜
不遣狂風作浪高

恭和

御製題職貢圖元韻

披圖迥睹萬方春絕域咸修職貢均

聖世聲靈原赫濯扶輿血氣總尊親聚來玉帛逾千國
唱出臚句備九賓畢昂街看連界合鰈鵲瑞盡敞闌臻
獠狃古貌疑毛女詰屈方言譯舌人禹貢規模慚尙狹

堯封景象寫偏真百川水自朝東海六幕星皆拱北辰
王會衣冠寧比盛

淵衷彌自凜持循

和友人洛陽懷古四首

芳林園

魏明帝因漢舊苑增築後以
避齊王芳諱改名華林園

包紹川原禁籞恢令嚴將作鼓聲催也如銅雀臨漳起
遂使金人別漢來繡轂千蹄官負土紫綾半臂帝登臺
洛陽他日名園遍風氣多應自此開

金墉城

晉受禪後居
陳留王於此

另築名都處讓皇洛陽城外又官墻近非別苑遊春地
開似禪家退老堂正朔尚留殷沫土附庸畧彷彿漢山陽

累他一个羊皇后打作鞦韆上下忙

晉惠帝羊后屢廢屢入此中

梓澤園

石崇別業
卽金谷園

一代豪華擅此園朝朝暮暮最銷魂美人絕色原妖物
亂世多財是禍根浮白觴前猶舞影落紅枝上忽啼痕
樓頭一擲終佳話能博蛾眉死報恩

西陽門

石勒擒
劉曜處

東西二帝此相攻事往猶傳戰血紅兩陣間分誰盜賊
六經外另有英雄冰痕早泮靈昌渡鈴語先占替戾風
千載共知胸磊落故應狐媚笑曹公

納涼

暑坐到參橫微涼猶未生誰知秋有信已在一蟲鳴

皇太后七十萬壽詩

謹序

升恒嘉慶從來率土歡欣仁壽昌期必在太和
翔洽惟國家運當鴻朗如日方中斯宮寢福集
駢蕃與天無極欽惟我

聖母皇太后徽煥妣任遇隆馬鄧生

聖人以建極斯躬不自勞爲

大母以垂慈已物無弗被歛時五福用敷錫厥庶民承

敘萬年俾緝熙於純嘏我

皇上祗迺紹聞懋昭錫類非特奉遊觀而歲巡或再
勤問視則日朝以三凡夫噢咻黔黎登之衽席
掃犁荒裔慰厥雲霓皆推不置之仁用切如傷

之臨洵慈孝並居其至盛美爲亘古所無而休
和所及者遐景運亦於斯可見茲者璿圖紀已
玉琯回陽正繡線之添長喜

璇籌之介慶時則重熙累洽世是春臺久道化成人皆
壽域祁連山外早靖兵塵勃律天西更恢戎索
萬餘里幅員迥擴數十國鞬譯胥通褒鄂弓刀
勲名入繪海山鸛鰈職貢成圖加以象緯告祥
宿離協度二曜煥夫璧合遠叶重光重輪五星
冒若珠連不數聚奎聚井凡此洪庥紛集總爲
慶會增歡鉅典用昭隆儀斯借琅函瓊笈雲廻
金冊之章繡錯綺交日麗珠屏之字綠衣

躬舞節應韶韻瑤華

親持味分沆瀣月宮翔其翼羽日觀麗其雲鱗黿鳳
千盤熒煌燈海魚龍百戲曼衍毬場瞻慶喜之
方新知

壽祺之彌永從此西方壽佛朗映祥光南極老人長昭
瑞應悉可預推而識要皆必至之符臣忝列詞
垣幸遊化宇訪閭倍切爲登

萬壽之科歡忭莫申敬效九如之祝敢拜手稽首以獻
詩曰

延洪嘉慶啟天閭率上歡騰愛日長酒暖瑤觴齊獻

壽律吹玉琯正回陽九華日絢瞳矐采五色雲開紉綬

光共向觚稜瞻氣象早看六幕朗榮昌

任姒興周

聖德過宮中堯舜披廷歌睢麟有化沾仁澤簾展無爲
養太和禮佛香天慈塵普觀民繡旬湛思多璿圖自協
綿長福見說 彤闈髮未脩

萬方尊養奉 璇宮

聖主躬修孝治隆鳳輦扈游三月暮 龍樓問寢百花
中迥恢

慈庇開疆素普合歡心祝華嵩千古宮闈多記載誰如
帝德最淵崇

慶會將看大禮行早傳盛事數年并譯鞮絕徼車書掃

珠壁穹霄象緯明天保詩原連林杜坤成節恰煥璣衡

從知天錫駢蕃福總助昌期悅豫情

去歲蕩平回部今年有日月合璧五星連珠之瑞

宰地玲瓏錦繡鋪

鑾輿郊苑進

皇都玉清樓觀三

垣象金彩雲霞五嶽圖月窟羣仙衣是羽幔亭廣樂曲
如珠十年一度看嘉會量采榮光滿九衢

紺宇琳宮祝福因招提處處寶華新梵天花雨霏空界

經海鐘魚轉法輪無盡燈燃光不夜衆香國護景長春

貂蟬簪紱分行拜祇候

安輿度軟塵

朝臣設經壇祝嘏諸命婦皆跪迎 安輿

鴻臚綵仗引朝儀忭舞千官賀玉墀琬琰載鐫 瑤璽

宇

恭上徽號

珠璣新織錦屏詞

上親撰聯珠壽言織成錦字爲屏

斗奎文朗先升

秀

萬壽科

綸綍恩多普錫釐

頌

信有

天家稱慶澤

九垓誰不被

洪慈

旬日瓊筵禮數賒食單庭實疊增加千年桃熟瑤池果

十丈蓮開玉井花杯滉仙人金掌露奩函織女錦機霞

洵看備物稱隆盛都向

彤墀煥瑞華

上親進
膳十一日

皇躬自舞玉階前折矩周規衍壽筵節應簫韶儀鳳

翺輝生冠佩袞龍卷

慈顏恰映嫋嫋彩

聖慕原同象勺年驗取

天懷訢暢處舉朝孝弟總油然

上親爲勞式
舞以侑壽筵

皓白鬚眉八宴榮功臣畫了畫耆英華胥世界多仁壽